



柳文

至自。

三一

16  
2627  
1

唐柳先生文集





門 16  
號 2627  
卷 1

16  
2627  
1-8

432



唐柳先生文集序

夔州刺史劉禹錫纂

八音與政通而文章與時高下三代之文  
至戰國而病涉秦漢復起漢之文至列  
國而病唐興復起夫政厖而土裂三光五嶽  
之氣分大音不完故必混一而後大振初貞  
元中上方嚮文章昭回之光下飾萬物天下  
文士爭執所長與時而奮燦然如繁星覆



Faint bleed-through text from the reverse side of the page, including the characters '唐柳先生文集序'.



天而芒寒色正人望而敬者五行而已河東  
柳子厚斯人望而敬者與子厚始以童子  
有奇名於貞元初至九年為名進士十有  
九年為村御史二十有一年以文章稱首入  
尚書為禮部員外郎是歲以疎僞少檢  
獲出牧邵州又謫佐永州居十年詔書  
徵不用遂為柳州刺史五歲不得召歸病  
且革留書抵其友中山劉禹錫曰我不幸

卒以謫死以遺草累故人禹錫執書以泣  
遂編次為四十五通行於世子厚之喪昌  
黎韓退之誌其墓且以書來弔曰哀哉若  
人之不淑吾嘗評其文雄深雅健似司馬子  
長崔蔡不足多也安定皇甫湜於文章少  
所推讓亦以退之言為然凡子厚名氏與仕  
與年暨行已之大方有退之之誌若祭文  
在今附於第一通之末云



萬曆二十九年歲次辛丑錢唐莫睿書



唐柳先生集編注諸賢姓氏



中山劉禹錫編

河南穆脩叙

眉山蘇軾評論

胥山沈晦辯

南城童宗說音註

新安張敦疇音辯

新安汪藻記



張唐英論

雲間潘緯音義



唐柳先生集目錄

第一卷

雅詩歌曲

獻平淮夷雅表 一首

平淮夷雅 二篇并序

鏡歌鼓吹曲 十二篇并序

貞符 并序

眎民詩

第二卷

古賦



卯文

目錄



佩韋賦 并序

瓶賦 楊雄酒箴附

牛賦

解崇賦 并賦

懲咎賦

閔生賦

夢歸賦

囚山賦

愈膏肓疾賦

第三卷

論

封建論

四維論

天爵論

守道論

時令論上

時令論下

斷刑論上 文闕

斷刑論下

辯侵伐論



六逆論

第四卷

議辯

晉文公問守原議

駁復讐議

桐葉封弟辯

辯列子

辯文子

論語辯 二篇

辯鬼谷子

辯晏子春秋

辯亢倉子

辯鶡冠子

第五卷

古聖賢碑

箕子碑

道州文宣王廟碑

柳州文宣王新修廟碑

終南山祠堂碑 并序

太白山祠堂碑 并序



碑陰文

湘源二妃廟碑

饒娥碑

南霽雲睢陽廟碑

并序

第六卷

碑

曹溪大鑿禪師碑

南嶽彌陀和尚碑

岳州聖安寺無姓和尚碑

碑陰記

龍安海禪師碑

第七卷

碑銘

南嶽雲峯和尚碑

南嶽雲峯和尚塔銘

南嶽般舟和尚第二碑

南嶽大明和尚碑

大明碑陰

衡山中院大律師塔銘

第八卷



行狀

段太尉逸事狀

柳常侍行狀

陳給事行狀

第九卷

表銘碣誄

相國房公德銘之陰

李華德銘附

國子司業陽城遺愛碣

文通先生陸給事墓表

兵部郎中楊公墓碣

侍御史周公墓碣

衡州刺史呂公誄

戶部郎中魏公墓誌

永州刺史崔公墓誌

永州刺史崔公權曆誌

長安萬年裴府君墓碣

第十卷

誌

安南都護張公墓誌

并序

邕州刺史李公墓誌

并序



貴州刺史鄧君墓誌 并序

桂管防禦副使呂公墓誌

嶺南經略副使馬君墓誌

柳州司馬孟公墓誌

連州司馬凌君權厝誌

連州司馬凌君墓後誌

嶺南鹽鐵院李侍御墓誌

第十一卷

誌碣誄

大理評事裴君墓誌

大理評事柳君墓誌

秘書郎姜君墓誌

校書郎獨孤君墓碣

襄陽丞趙君墓誌

溫縣主簿韓君墓誌 并序

張先生墓誌

虞鳴鶴誄 并序

裴處士墓誌

覃季子墓誌

續榮澤尉崔君墓誌



第十二卷

表誌

先侍御史府君神道表

石背先友記

叔父殿中侍御史墓表

叔父殿中侍御史符君墓版文

弘農令柳府君石表辭

從弟宗直墓誌

第十三卷

墓誌

先夫人歸祔誌

伯祖妣李夫人墓誌

叔妣陸夫人遷祔誌

亡姑陳君夫人墓誌

亡姊崔君夫人墓誌蓋石文

亡姊裴君夫人墓誌

亡室弘農氏墓誌

下殤女子墓塋銘

小姪女墓塋銘

王侍郎母劉氏墓誌



薛君妻崔氏墓誌

韋夫人墳記

馬室女雷五英誌

第十四卷

對

設漁者對智伯

愚溪對

對賀者

杜兼對

天對 楚詞天問附

第十五卷

問答

晉問

答問

起廢答

第十六卷

說

天說 劉禹錫天論附

鶻說

朝日說



捕蛇說

積說

乘桴說

說車

謫龍說

復吳子松說

罷說

觀八駿圖說

第十七卷

傳

宋清傳

種樹郭橐駝傳

童區寄傳

梓人傳

李赤傳

蝟陂傳

曹文洽韋道安傳

第十八卷

騷

乞巧文



罵尸蟲文 并序

斬曲几文

宥蝮蛇文 并序

憎王孫文

逐畢方文 并序

辯伏神文

愬螭文

哀溺文

招海賈文

第十九卷

弔贊箴戒

弔萇弘文

弔屈原文

弔樂毅文

伊尹五就桀贊

梁丘據贊

霹靂琴引贊

尊勝幢贊 并序

龍馬圖贊 并序

戒懼箴



憂箴

師友箴 并序

敵戒

三戒 并序

臨江之麋

黔之驢

永某氏之鼠

第二十卷

銘雜題

沛國漢原廟銘 并序

劔門銘 并序

塗山銘 并序

壽州安豐縣孝門銘 并序

武岡銘 并序

井銘 并序

舜禹之事

謗譽

咸宜

鞭賈

吏商



東海若

第二十一卷

題序

讀韓愈所著毛穎傳後題

裴瑾崇豐二陵集禮

柳宗直西漢文類

楊評事文集

濮陽吳君文集

王氏伯仲唱和詩

第二十二卷

序

送楊凝郎中使還汴宋詩

送崔群

送邠寧獨孤書記

同吳武陵送杜留後詩

送寧國范明府詩

送幸南容聯句詩

送李判官往桂州

送苑論登第後歸觀

送蕭鍊登第後歸南歸



送班孝廉擢第歸東川觀省

送獨孤申叔侍親往河東

送豆盧膺南遊詩

送趙大秀才往江陵謁趙尚書

第二十三卷

序

同吳武陵贈李睦州詩

送南涪州量移澧州

送薛存義之任

送薛判官量移

送李渭赴京師

送嚴公貺下第歸興元觀省詩

送元秀才下第東歸

送辛殆庶下第遊南鄭

送崔子符罷舉詩

送蔡秀才下第歸觀

送韋七下第求益友

送辛生下第序略

第二十四卷

序



送從兄偁罷選歸江淮詩

送從弟謀歸江陵

送解

送內弟盧遵遊桂州

送表弟呂讓將仕進

陪崔使君遊宴南池

愚溪詩

婁二十四秀才花下對酒唱和詩

法華寺西亭夜飲賦詩

序飲

序碁

第二十五卷

序

凌助教蓬屋題詩

送韓豐群公詩

送婁秀才遊淮南將入道

送易師楊君

送徐從事北遊

送詩人廖有方

送元十八山人南遊



送賈山人南遊

送方及師

送文暢上人登五臺遂遊河朔

送巽上人赴中丞叔父召

送僧浩初

送元嵩師

送琛上人南遊

送文郁師引

送玄舉歸幽泉寺

送濟上歸淮南觀省

第二十六卷

記

監察使壁

四門助教壁

武功縣丞壁

盤屋縣新食堂

諸使兼御史中丞壁

館驛使壁

嶺南節度使饗軍堂

邠寧進奏院



興州江運

全義縣復北門

第二十七卷

記

潭州楊中丞作東池戴氏堂

桂州裴中丞作訾家洲亭

邕州柳中丞作馬退山茅亭

永州韋使君新堂

永州崔中丞萬石亭

零陵三亭

第二十八卷

記

零陵郡復乳穴

道州毀鼻亭神

永州龍興寺息壤

永州龍興寺東丘

永州法華寺西亭

永州龍興寺西軒

柳州復大雲寺

永州修淨土院



永州鐵爐步志 附

第二十九卷

記

游黃溪

始得西山宴游

鈷鉏潭

鈷鉏西小丘

至小丘西小石潭

袁家渴

石渠

石澗

小石城山

柳州東亭

柳州山水近治可游者

第三十卷

書

寄許京兆孟容

與楊京兆憑

與裴頊

與蕭翰林俛



與李翰林建

與顧十郎

第三十一卷

書

與韓愈論史官

與史官韓愈致段太尉逸事

答劉禹錫天論

與劉禹錫論周易

答元饒州論春秋

與呂道州論非國語

答吳武陵論非國語

與呂恭論墓中石

與友人論爲文

第三十二卷

書

答元饒州論政理

與崔饒州論石鍾乳

答周君巢餌藥久壽

與李睦州論服氣

第三十三卷



書

與楊誨之

又與楊誨之

答沈起

與王叅元

第三十四卷

書

與太學諸生喜詣闕留陽城司業

答韋中立論師道

答貢士元公瑾論仕進

答嚴厚輿論師道

報袁君陳秀才避師名

答韋珩示韓愈相推文墨事

答貢士廖有方論文

答蕭纂欲相師

報崔黯秀才

答吳秀才謝示新文

復杜温夫

上門下李夷簡相公陳情

第三十五卷



啓

上廣州趙宗儒

謝西川武相公

謝襄陽李尚書

賀趙江陵宗儒

與邕州李中立

謝李中丞

上湖南李中丞

上桂州李中丞

第三十六卷

啓

上權補温卷

上崔大卿

上裴晉公獻唐雅詩

上襄陽李涼公獻唐雅詩

上揚州李趙公獻所著文

謝李趙公示手札

上江陵趙相公寄所著文

上嚴東川寄劔門銘

上江陵嚴司空獻所著文



上嶺南鄭相公獻所著文

上李中丞獻所著文

上桂州裴中丞撰訾家洲記

上河陽烏尚書

第三十七卷

表

禮部為百官上尊號表

二百

禮部賀冊尊號表

為京兆府請復尊號表

三首

為耆老等請復尊號表

禮部為文武百寮請聽政表

三首

賀踐祚表

禮部賀永貞改元表

禮部賀太上皇誥宜令皇帝即位表

禮部賀立皇太子表

禮部賀皇太子冊禮畢德音表

為王京兆賀皇帝即位禮畢表

代韋中丞賀元和大赦表

禮部賀冊太上皇后表

賀皇太子踐



御史臺賀嘉禾表

禮部賀嘉禾及芝草表

京兆府賀嘉瓜白兔連理棠樹表

禮部賀甘露表

禮部賀白龍青蓮花合歡蓮子黃瓜表

禮部賀白鵲表

禮部賀嘉瓜表

為王京兆賀嘉蓮表

為王京兆賀雨表 五首

第三十八卷

表

代裴中丞賀克東平赦表

柳州賀破東平表

代裴中丞分淄青為三道節度表

為韋侍郎賀除布衣竇群右拾遺表

為樊左丞讓官表

為王戶部薦李諒表

為王戶部陳情表

代裴中丞謝討賊表

代柳公綽謝上任表



代李愬襄州謝上任表

代節使謝遷鎮表

為裴中丞舉人自代伐黃賊表

為崔中丞請朝覲表

為劉同州請上表

代裴行立謝移鎮表

代韋永州謝上表

謝除柳州刺史表

柳州謝上表

代廣南節使舉人自代表

奏薦從事表

代廣南節使謝出鎮表

為楊湖南謝設表

為武中丞謝賜櫻桃表

謝賜時服表

謝賜端午綾帛衣服表

第三十九卷

奏狀

為廣南鄭相公奏部內百姓產三男狀

為浙東薛中丞奏五色雲狀



爲裴中丞奏邕管黃家賊事宜狀  
讓監察御史狀

爲京兆府奏旱狀

爲南承嗣請從軍狀

進農書狀

代人進鼙鼓狀

柳州舉人自代狀

上戶部狀

柳州上本府狀

爲裴中丞伐黃賊轉牒

賀誅淄青李師道狀

賀平淄青後肆赦狀

賀分淄青爲三道節度狀

代裴中丞上裴相賀破東平狀

爲裴中丞乞討黃賊狀

爲桂州崔中丞乞朝覲狀

爲南承嗣乞兩河効用狀

柳州上中書門下舉人自代狀

爲長安耆壽乞復尊號狀

爲京畿父老乞復尊號狀



祭文  
第四十卷

祭文

祭楊憑詹事

祭穆質給事

祭呂衡州溫

祭李中丞

為韋京兆作祭杜河中

為韋京兆作祭崔太常

為李京兆作祭楊郎中

為安南楊侍御作祭張都護

祭萬年裴令

祭呂敬叔

祭崔君敏

哭張後餘辭

祭段弘古

祭李中明

楊氏子承之哀辭

并序

第四十一卷

祭文

舜廟祈晴



雷塘禱雨

祭燾

祭四禡牙

祭井

崇門

祭六伯母

祭獨孤文母

祭從兄

祭弟宗直

祭姊夫崔簡

又祭崔簡旅櫬

祭崔氏外甥

祭崔氏外甥女

祭外甥崔駢

第四十二卷

古今詩

同劉二十八院長寄澧州張使君八十韻

弘農公五十韻

酬韶州裴使君寄道州呂八大使二十韻

并序



酬婁秀才將之淮南見贈之什

酬婁秀才病中見寄

初秋夜坐贈吳武陵

晨詣超師院讀禪經

贈江華長者

酬巽上人以竹間自採新茶見贈

零陵贈李卿元侍御簡吳武陵

界圍巖水簾

古東門行

寄韋珩

奉和楊尚書追和故李中書夏日登北樓

楊尚書寄彬筆因獻長韻

南省轉牒欲具江國圖今盡通風俗故事

與浩初上人同看山寄京華親故

再至界圍巖遂宿巖下

詔追赴都廼寄零陵親故

過衡山見新花開却寄弟

汨羅遇風

朗州竇常員外寄劉二十八詩見促行騎走

筆酬贈



至前驛却寄相送諸公

北還登漢陽北原題臨川驛

善謔驛和劉夢得酌淳于先生

劉夢得題淳于先生墓附

詔赴都二月至灞亭上

李西川薦琴石

同劉二十八哭呂衡州兼寄江陵李元二侍

御

奉酬楊侍郎送八叔拾遺戲贈南來諸賓

劉二十八詩附

六言

商山臨路孤松

衡陽與夢得分路贈別

劉夢得至衡陽酬贈別附

重別夢得

夢得答附

三贈劉員外

夢得答附

再上湘江

清水驛叢竹

長沙驛前南樓感昔與德公別

桂州北望秦驛手開竹徑釣磯待徐容州

登柳州城樓寄漳汀封連四州

柳州寄文人周韶州



登岷山

得盧衡州書因以詩寄

答劉連州邦字

嶺南江行

柳州峒氓

酬徐二中丞普寧郡內池館卽事

酬賈鵬山人新栽松寓興見贈 二首

種柳戲題

柳州二月榕葉盡落偶題

酬浩初上人見貽絕句

雨中贈仙人山賈山人

別舍弟宗一

奉和周二十二丈酬郴州侍郎

殷賢戲批書後寄劉連州并示孟崙二童

重贈劉夢得 二首。劉夢得酬家鷄之贈并答二首附

疊前

疊後

銅魚使赴都寄親友

韓漳州書報澈上人亡因寄二絕

柳州城西種甘樹



聞澈上人亡寄楊侍郎

段秀才處見亡友呂衡州書迹

柳州寄京中親故

種木斲花

摘櫻桃贈元居士

酬曹侍御過象縣見寄

第四十三卷

古今詩

法華寺石門三十韻

遊朝陽巖二十韻

湘口館瀟湘二水所會

登蒲洲石磯望江口潭島深迥對香零山

南澗中題

遊石角過小嶺至長烏村

與崔策登西山

構法華寺西亭

夏夜苦熱登西樓

覺衰

遊南亭夜還七十韻

韋道安



哭連州凌員外司馬

旦携謝山人至愚池

獨覺

首春逢耕

溪居

夏祈雨後尋愚溪

入黃溪聞猿

韋使君黃溪祈雨見君從行至祠下口號

郊居歲暮

秋曉行南谷經荒村

雨後曉行獨至北池

中夜起望西園值月上

零陵春望

從崔中丞過盧少府郊居

夏晝偶作

雨晴至江渡

江雪

冉溪

法華寺西亭夜飲

戲題石門長老東軒



節簷下始栽竹

種仙靈毗

種木

種白蘘荷

新植海石榴

戲題堦前芍藥

始見白髮題海石榴

植靈壽木

自衡陽移桂植零陵

湘岸移木芙蓉植龍興

早梅

南中榮橘柚

紅蕉

巽公院五詠

梅雨

零陵早春

田家 三首

行路難 三首

聞籍田有感

歧烏詞



籠鷹詞

放鷓鴣詞

龜背戲

聞黃鸝

渾鴻臚宅聞歌効白紵

楊白花

漁翁

飲酒

讀書

感遇 二首

詠史

詠三良

詠荆軻

掩役夫張進

省試觀慶雲圖

春懷故園

第四十四卷

非國語上 三十一篇

滅密

不藉



三川震

料民

神降于莘

聘魯

叔孫僑如

邾至

柯陵之會

晉孫周

穀洛鬪

大錢

無射

律

城成周

問戰

躋僖公

莒僕

仲孫它

籟羊

骨節尊車

楛矢



輕幣

卜

郭偃

公子申生

狐突

號夢

童謠

宰周公

荀息

第四十五卷

非國語下

二十六篇

狐偃

輿人誦

蔡恭世子

殺里克

獲晉侯

慶鄭

乞食于野人

懷嬴

筮



董因

命官

倉葛

觀狀

救饑

趙宣子

伐宋

鈕麇

祈死

長魚矯

戮僕

叔魚生

逐樂盈

新聲

射鵝

趙文子

醫和

黃熊

韓宣子憂貧

圍鼓



具敖

董安于

祝融

褒神

嗜芟

祀

左史倚相

伍員

唐柳先生集目錄

唐柳先生集卷之一

唐雅

獻平淮夷雅表

吳元濟在淮蔡故曰淮夷宗元擬江漢之詩而作也

臣宗元言臣負罪竄伏違尚書牋奏十有四年

禮部郎官

掌尚書牋奏宗元以永貞元年自禮部員外郎貶為刺史至是十四年

聖恩寬宥命守

遐壤懷印曳紱有社有人臣宗元誠感誠荷頓首頓

首伏惟睿聖文武皇帝陛下天造神斷克清大憝

反惡也謂金鼓一動萬方畢臣太平之功中興之德

中興也謂推校千古無所與讓因伏自忖度

忖取本切度待洛切



有方剛之力不得備戎行音杭致死命音杭況今已無事

思報國恩獨惟文章伏見周宣王時稱中興其道彰

大于後罕及然徵於詩大小雅其選徒出狩則車攻

吉日命官分土則崧高韓奕烝人南征北伐則六月

采芑平淮夷則江漢常武鏗錫炳耀音丘耕切錫呼

盪人耳目音湯反故宣王之形容與其輔佐由今

望之若神人然此無他以雅故也臣伏見陛下自即

位以來平夏州元和元年三月夷劔南元和元年十月

取江東元和三年十一月定河北元和七年十月魏博

歸于有司十一月赦魏博貝衛澶相六州詔田興充魏博節度使賜名弘正今又發自天

哀克翦淮右元和九年十一月而大雅不作臣誠不佞

然不勝憤踊音勇伏以朝多文臣不敢盡專數事謹

撰平淮夷雅二篇雖不及尹吉甫召穆公等庶施諸

後代有以佐唐之光明謹昧死再拜以獻臣宗元誠

恐誠懼頓首頓首謹言

平淮夷雅二篇

皇武命丞相度董師集大功也董督也元和十二年七月宰相裴度充淮

西宣慰處置使平吳元濟

皇者其武音致也于澌于淮澌於斤切唐澌水縣屬

破既巾乃車環蔡其來狡衆昏囂魚巾切口不道甚



釋曰禡類曰皆師祭也  
可類是禡祀天子將  
征類于上帝宜于社  
也禡禡于所征之地

毒于醒音呈狂奔呌呌尼交切以于大刑○皇咨于

度惟汝一德曠誅四紀自大曆十四年李希烈鎮蔡州至元和十二年滅吳元齊

其後汝克錫汝斧鉞其往視師師是蔡人以宥以釐

是宜金節煌煌錫盾雕戈盾之九切戈謂平頭犀甲

熊旂威命是荷音何○度拜稽首出次于東天子餞之

壘聳是崇鼎臚俎載臚汝朱切嫩栗貌又奴刀切五

獻百籩凡百卿士班以周旋○既涉于滹所簡切水

乃翼乃前孰圖厥猶其佐多賢裴度表馬摠為副使

宛宛周道于

山于川遠揚邇昭陟降連連○我旆我旂于道于陌

訓于群帥拳勇來格公曰徐之無特額額鄂格切式

和爾容惟義之宅○進次于郾於憲切唐許州郾彼

昏卒狂哀兇鞠頑哀薄侯切聚也鋒蟻斧螳蟻音胃螳似豪

赤子匍匐厥父是亢上郎切怒其萌芽以悖太陽○王

旅渾渾是佚是怙既獲敵師若饑得哺音步申時食

蔡兇伊窘悉起來聚左擣其虛靡愆厥慮○載闢載

祓音弗丞相是臨謂裴度建彰義節入蔡州弛其武刑諭我德心其

危既安有長如林長上聲曾是謹讒女交切化爲謳吟

○皇曰來歸汝復相予爵之成國左傳襄公十四年成國不過半天子

柳文 卷一 三



之軍成國謂公侯之國

昨以夏墟

夏墟今太原晉陽

度拜稽首天子聖

神度拜稽首皇祐下人

○淮夷既平震是朝南

叶韻尼心

宜廟宜郊以告德音歸牛休馬豐稼于野我武惟

皇永保無疆

皇武十有一章章八句

方城命愬守也

愬音訴方城山名在唐州元和十一年李愬為唐鄧隋節度使

卒入

蔡得其太醜

謂擒吳元濟

以平淮右

方城臨臨王卒峙之

時直里切

匪徼匪競

徼古堯切求也

皇有正

命皇命于愬往舒余仁踣彼艱頑

踣蒲墨切僵也

柔惠是馴

○愬拜即命于皇之訓既礪既攻以後厥刃王師疑

疑

魚力切又音疑山名

熊羆是式銜勇韜力日思予殛○寇昏

以狂敢蹈愬疆士獲厥心太祖高驤長戟曾矛蔡其

綬章

綬所引以登車者章謂有文采

右剪左屠聿禽其良

李愬擒丁士良感之擒陳光洽吳秀琳遂降愬厚待秀琳秀琳曰公欲取蔡非李祐不可遂擒祐不殺用其策○

其良既宥告以父母恩柔于肌卒貢爾有維彼攸恃

乃偵乃誘偵丑盈丑正二切候也維彼攸宅乃發乃守○其恃

爰獲我功我多陰謀厥圖謀達協切以究爾訛雨雪洋洋

大風來加于燠其寒于邇其遐○汝陰之茫懸瓠之

峨執音護李愬分兵絕迴曲道又以兵絕朗山道行七十里夜半至懸瓠城雪甚城旁皆鶩鶩也愬令擊之以亂軍聲賊恃吳房朗山成晏然無知者是震是拔大殲厥家狡虜既



廢輸于國都示之市人卽社行誅○乃諭乃止蔡有

厚喜完其室家仰父俯子汝水云云音既清而彌蔡

人行歌我步逶遲透於危切○蔡人歌矣蔡風和矣孰類

蔡初胡甦爾居甦立例切爾雅康瓠謂之甦說文康瓠破器也顏師古音五列切字當作甦危

也式慕以康爲愿有餘是究是咨皇德既舒○皇

日咨愬裕乃父功昔我文祖惟西平是庸李愬父李晟事德宗

平未泚封西平王內誨于家外刑于邦孰是蔡人而不率從

○蔡人率止惟西平有子西平有子惟我有臣疇允

大邦俾惠我人于廟告功以顧萬方

方城十有一章章八句

唐饒歌鼓吹曲十二篇

并序

饒女交切吹尺僞切

負罪臣宗元言臣幸以罪居永州憲宗卽位宗元貶永州司馬受

食府廩竊活性命得視息無治時事恐懼小聞音又

盜取古書文句聊以自娛伏觀漢魏以來代有饒歌

鼓吹詞唯唐獨無有臣爲郎時以太常縣禮部嘗聞

鼓吹署有戎樂詞獨不列今又考漢曲十二篇一朱輅或

作朱鷺二思悲翁三艾如張四上之回五翁離六戰城南七巫山高八上陵九將進酒十有所思十一芳

樹十二上雅又有君馬魏曲十四篇穆襲製述以晉

曲十六篇傅玄製述以漢歌詞不明紀功德魏晉歌



功德具今臣竊取魏晉義用漢篇數為唐鏡歌鼓吹  
曲十二篇紀高祖太宗功能之神奇因以知取天下  
之勤勞命將用師之艱難每有戎事治兵振旅幸歌  
臣詞以為容且得大戒且敬而不害臣淪棄即死言  
與不言其罪等耳猶冀能言有益國事不敢效怨對  
默已對音謹冒死上

○隋亂既極唐師起晉陽平姦豪為生人義王  
以仁興武為晉陽武第一晉陽太原屬也  
晉陽武奮義威煬之渝煬隋帝謚音漾暴也德焉歸氓畢屠綏  
者誰皇烈烈專天機號以仁揚其旗日之昇九土晞

一作  
訴田坵音沂一作斥流洪輝有其二翼餘隋翦梟鷲

翦側略切梟古堯切鳥名食母鷲五高切不祥鳥白身赤口也后土蕩玄穹彌合之  
育莽然施莽母黨莫惟德輔慶無期

右晉陽武二十六句 句三字

○唐既受命李密自敗來歸以開黎陽斥東土

為獸之窮第二唐謂唐狙獷服狙七餘切獷古猛切甲

獸之窮奔大麓天厚黃德謂唐狙獷服狙七餘切獷古猛切甲

之囊弓弭矢箠音服皇旅靖敵逾感自亡其徒匪予

戮屈贗猛音賦或云即周禮贗字與暴同虔慄慄以尺組噉以秩

黎之陽土茫茫富兵

李密降以為光祿卿封邢國公  
糜忙皮切噉杜覽切與啗同

連能  
極以  
勅者



戎盈倉箱之者德莫能享香驅豺兕授我疆

右獸之窮二十二句其十八句句四字其四句句四字

○太宗師討王充避太宗諱建德助逆師奮擊

武牢下擒之遂降充為戰武牢第三唐諱

改為武

戰武牢動河朔實建德逆之助圖猗角猗居切怒擊麇

戰武牢古侯切鳥子生哺抗喬嶽翹萌芽傲霜電王謀內

定申掌握鋪施芟夷二主縛憚華戎廓封畧命之膏

母巨早當卑以訖早當歸有德唯先覺

右戰武牢十八句其十六句句三字其二句句四字

○薛舉據涇以死子仁果尤勇以暴師平之為

涇水黃第四

涇水黃隴野茫薛舉負太白星名一騰天狼妖有鳥

鷲立羽翼張鉤喙決前喙决鉅趨傍趨音揚怒飛饑

嘯翮不可當翮隳老雄死武德元年子復良薛仁果

巢岐飲渭肆翱翔頓地絃提天綱列缺掉幟幟尺志

招搖耀鉞北斗建指之星鬼神來助夢嘉祥腦塗

原野魄飛揚星辰復恢一方

右涇水黃二十四句其十五句句三字其九句句四字

○輔氏憑江淮竟東海命將平之輔公柝稱帝



郡王李孝恭及李靖李勣討之傳首京師為奔鯨沛第五

奔鯨沛蕩海垠魚巾切吐實鬻日腥浮雲帝怒下顧

哀墊昏墊都念切授以神柄推元臣手援天元截修鱗披

攘蒙霧與雲霧同又茂夢二音開海門地平水靜浮天根義和顯

耀乘清氛赫炎溥暢融大鈞

右奔鯨沛十八句其十句句三字其八句句四字

梁之餘保荆衡巴巫窮南越良將取之不以

師蕭銑後梁宣帝曾孫僭稱皇帝武德四年李孝恭李靖討平之為苞枿

牙葛牙結二切伐木餘也與藪同第六

苞枿黜矣黜音隊惟根之蟠彌巴蔽荆負南極以安

曰我舊梁氏緝綬艱難江漢之阻都邑固以完聖人

作神武用有臣勇智奮不以衆投跡死地謀猷縱化

敵為家慮則中去聲浩浩海裔不威而同係纆降王定

厥功澶漫萬里宣唐風蠻夷九譯咸來從凱還金奏

象形容震赫萬國固不龔音恭義同

右苞枿二十八句其十六句句四字其三句句五字其九句句三字

李軌保河右師臨之不克變或執以降軌將安興

貴執為河右平第七

河右澶漫頑為之魁王師如雷震崑崙以頽上龔下



聰鷲不可迴

安與貴說執今舉河西歸唐不聽與貴執執以聞

助讎抗有德

惟人之災乃潰乃奮執縛歸厥命萬室蒙其仁一夫

則病濡以鴻澤皇之聖威畏德懷功以定順之于理

物咸遂厥性

右河右平十八句

其十一句句四字其五句句五字其二句句三字

突厥之大厥九勿切古夷狄莫強焉師大破之降

其國告于廟

正觀三年詔李靖李勣討突厥頡利懼竄鐵山靖乘間襲

擊遂大破滅其國張寶相追擒之

為鐵山碎第八

鐵山碎大漠舒二虜勁頡利突利二可汗連穹廬背北海尊

早茂藻林三曰環魁志首也

坤隅歲來侵邊或傳于都傳音附天子命元帥奮其雄

圖破定襄降魁渠

李靖襲定襄破之頡利所親康蘇密來奔又突利率所部來奔窮

竟窟宅斥余吾

斥開也余吾匈奴地名

百蠻破膽邊氓蘇威武

輝耀明鬼區利澤彌萬祀功不可踰官臣拜手惟帝

之暮

右鐵山碎二十二句

其十一句句四字其九句句四字其二句句五字

劉武周敗裴寂咸有晉地太宗滅之為靖本

邦第九

本邦伊晉惟時不靖根柢之搖枝葉攸病守臣不任







夷狄千群趨咸稱天子神往古不得俱獻號天可汗  
音寒正觀四年滅突厥四夷君長請闕請帝為天可汗以覆我國都覆去聲兵戍不交害各保性與軀

右高昌二十二句 句五字

既克東蠻群臣請圖蠻夷狀如周書王會東蠻在黔州西數百里貞觀三年酋長謝元升入朝顏師古因奏言周武王時遠國歸款周史集其事為王會篇乃命闡立本圖之為東蠻第十二

東蠻有謝氏冠帶理海中自言我異世雖聖莫能通  
王卒如飛翰翰佚汗切鵬騫駭群龍騫音軒飛舉貌轟然自天墜乃信神武功繫虜君臣人累累來自東累累倫追切無

思不服從唐業如山崇百群拜稽首咸願圖形容如

周王會書永永傳無窮雖眊萬狀乖眊許規切野凶于切張目也

咿嗚九譯重咿音伊盟乙骨切言不明也廣輪撫四海廣古曠切東西為廣

南北為輪浩浩知皇風歌詩鏡鼓間以壯我元戎

右東蠻二十二句 句五字

眊民詩 美房杜

帝眊民情匪幽匪明慘或在腹已如色聲亦無動威

亦無止力弗動弗止惟民之極帝懷民眊乃降明德

乃生明翼明翼者何乃房乃杜房玄齡杜如晦惟房與杜實

為民路廼定天子廼開萬國萬國既分廼釋蠢民廼



學與仕廼播與食廼器與用廼貨與通有作有遷無  
遷無作士實蕩蕩農實董董工實蒙蒙賈實融融左  
右惟一出入惟同攝儀以引以邁以肆合作肆音曳其風  
既流品物載休惟天子守乃二公之久惟天子明乃  
二公之成惟百辟正乃二公之令惟百辟毅乃二公  
之祿二公行矣弗敢憂縱是獲憂共二公居矣弗敢  
忝止是獲忝已既柔一德四夷是則四夷是則永懷  
不忝

貞符 并序

負罪臣宗元惶恐言臣所貶州流人吳武陵為臣言

董仲舒對三代受命之符誠然非耶臣曰非也何獨  
仲舒爾自司馬相如劉向楊雄班彪彪子固皆公襲  
咄咄充之切推古瑞物以配受命其言類淫巫瞽史誑  
亂後代不足以知聖人立極之本顯至德揚大功一作  
盛夫厥趣臣為尚書郎時嘗著貞符言唐家正德  
受命於生人之意累積厚久宜享無極之義一本享字下有  
年本末閎闊會貶逐中輟不克備究武陵即叩頭邀  
臣此大事不宜以辱故休缺傾雪切破也火也使聖王之典  
不立無以抑詭類拔正道表覈萬代臣不勝奮激即  
具為書念終泯沒蠻夷不聞于時獨不為也苟一明



大道施於人世死無所憾用是自決臣宗无稽首拜  
手以聞曰

孰稱古初朴蒙空侗而無爭厥流以訛越乃奮牧古

字鬪怒振動專肆為淫威曰是不知道惟人之初摠

摠而生林林而群雪霜風雨雷電暴其外於是乃知

架巢空穴挽草木取皮革饑渴牝牡之欲毆其內與

驅於是乃知噬鳥獸咀果穀噬音誓咀在呂切合偶而居交

馬而爭睨馬而鬪力大者搏齒利者齧倪結切爪剛者

決群衆者軋乙點切兵良者殺披披藉藉草野塗血然

後強有力者出而治之往往為曹於險阻用號令起

而君臣什伍之法立德紹者嗣道怠者奪於是有聖

人焉曰黃帝遊其兵車遊字無交貫其內一統類齊制

量去聲然猶太公之道不克建於是有聖人焉曰堯置

州牧四岳持而綱之立有德有功有能者然而維之

運臂率指屈伸把握莫不統率一本有堯字年老舉聖人

而禪焉太公乃克建由是觀之厥初固匪極亂而後

稍可為也而非德不樹故仲尼叙書於堯曰克明俊

德於舜曰濬哲文明於禹曰文命祗承于帝於湯曰

克寬克仁彰信兆民於武王曰有道曾孫稽揆典誓

貞哉惟茲德實受命之符以奠永祀後之妖淫囂昏



好怪之徒乃始陳大電

河圖云少典妃附實見大電光繞北斗樞星曜郊野附實

意感而生黃帝於壽丘

大虹

大星如虹下游華渚女節意感而生白帝子即金天氏也

玄鳥

湯之先祖有娥氏女簡狄配高辛氏

遺卵簡狄吞之而生契

巨跡

高辛初郊謀之時有大神跡姜

姬履之

白狼

帝王世紀曰有神牽白狼銜鈞入殿廟

白魚

白魚入于王舟武王伐紂

時有

流火之鳥

周得火德有赤鳥之符尚書中候以此瑞

為符斯皆詭譎閹誕其可羞也而莫知本於厥貞漢

用大度克懷於有氓登能庸賢濯痍煦寒

疾音夷煦吁旬切

以瘳以熙茲其為符也而其妄臣乃下取虺蛇上引

天光

虺許諱切班彪王命論曰高祖始受命則白蛇分西入關則五星聚

推類號休

刀切後有號同

用夸誣於無知氓增以騶虞

上音測鳩切仁獸也神鼎

武帝元鼎元年得寶鼎汾水上因是改元

脅毆縱史

上子勇切一音勇俾出西漢衡山王傳

東之泰山石間

凌如切石間在泰山下吐南方

作大號謂之封禪

皆尚書所無有莽述承效

王莽公孫述皆偽作符命者

卒奮驚逆

其後有賢帝曰光武克綏天下復承舊物猶崇赤伏

光武在長安時同舍生疆華自關中奉赤伏符至光武因此崇尚符讖

以玷厥德魏晉

而下危亂鉤裂厥符不貞邦用不靖亦罔克久駁乎

無以議為也積大亂至于隋氏環四海以為鼎跨九

垠以為鑪爨以毒燎煽以虐焰其人沸湧灼爛號呼

騰蹈莫有救止於是大聖乃起

唐高祖太宗

丕降霖雨瀟

滌盪沃蒸為清氛流為冷風人乃溲然休然

聊音相



晞以生相特以成相彌以寧琢斲屠剔琢丁角切疑當從木膏  
 流節離之禍不作而人乃克完平舒愉尸其肌膚以  
 達於夷途焚圻抵荷奔走轉死之害不起而人乃克  
 鳩類集族歌舞悅懌用祗于元德徒奮祖呼犒迎義  
 旅謹動六合至于靡下太盜豪據阻命遏德義威殄  
 戮咸墜厥緒無劉于虐劉殺也人乃並受休嘉去隋氏  
 克歸于唐躑躅謳歌躑直炙切濁除玉切灝灝和寧帝庸威栗  
 惟人之為去聲敬奠厥賦積藏于下是謂豐國鄉為義  
 廩歛發謹飭歲丁大侵入以有年簡于厥刑不殘而  
 懲是謂嚴威小屬而支屬之欲切而汝也謂全其肢體大生而孳愷

梯祗敬用底于治

一本作埋

凡其所欲不謂而獲凡其所

惡不祈而息四夷稽服不作兵革不竭貨力丕揚于

後嗣用垂于帝式十聖濟厥治謂太宗至憲宗凡十帝孝仁平

寬惟祖之則澤久而逾深仁增而益高人之戴唐永

永無窮是故受命不于天于其人休符不于祥于其

仁惟人之仁匪祥于天匪祥于天茲惟貞符哉未有

喪仁而久者也未有特祥而壽者也商之王以桑穀

昌商大戊時以雉雉大雉古候切宋之君以法星壽宋景公見

呂氏鄭以龍衰魯昭公十九年鄭大水魯以麟衰春秋十四年春西狩獲麟

白雉亡漢漢平帝元始元年越黃犀死莽莽氏重譯獻白雉



王音惡在其為符也惡音鳥不勝唐德之代光紹明濟深

鴻龐大保入斯無疆宜薦于郊廟文之雅詩祇告于

德之休帝曰謀哉謀時任切亦作忱乃黜休祥之奏究貞符

之奧思德之所未大求仁之所未備以極乎邦治以

敬于人事其詩曰

於穆敬德黎人皇之惟貞厥符浩浩將之仁函于虞

刃莫畢屠澤燬于爨灑災以幹灑與沸同殄厥凶德乃毆

乃夷懿其休風是煦是吹父子熙熙相寧以嬉賦徹

而藏厚我糗糧一作刑輕以清我完靡傷貽我子孫

百代是康十聖嗣于治仁后之子子思孝父易患于

已拱之戴之神具爾宜載揚于雅承天之韻音假天

之誠神宜鑒于仁神之曷依宜仁之歸濮沿于北祝

栗于南爾雅曰東至于泰遠西至于邠國南幅員西

東祗一乃心祝唐之紀後天罔墜祝皇之壽與地咸

久曷徒祝之心誠篤之神協人同道以告之告姑俾

彌億萬年不震不危我代之延永永毗之仁增以崇

曷不爾思有號于天號音豪僉曰嗚呼咨爾皇靈無替

厥符吳武陵初貶永川貞符序中宜如唐書去量移

三字諸本作振動靜專唐書無靜字舊本作戶

協人同唐書作神協今皆以宋景文公唐書為據



唐柳先生集卷之一

唐柳先生集卷之二

古賦

佩韋賦 并序

柳子讀古書觀直道守節者則壯之蓋有激也恒懼  
過而失中庸之義慕西門氏佩韋以戒  
韋以自緩董安于性緩佩弦以自急故作是賦其辭曰

邈予生此下都兮塊天質之慤醇慤苦日月迭而化  
升兮滯遁初而枉神雕大素而生華兮生一本汨末  
流以喪真汨古忽切晞往躅而周章兮周章不決貌情倚  
伏其無垠世既奪予之大和兮眷授予以經常循聖

柳文

卷一

一





人之通途兮鬱縱史而不揚縱子勇切猶悉力而究

陳兮獲貞則于典章嫉時以奮節兮懜已以抑志登

嵩丘而垂目兮瞰中區之疆理瞰古濫切橫萬里而

極海兮頽風浩其四起恟驚怛而躑躅兮惡浮詐之

相詭思貢忠于明后兮振教導乎遐軌紛吾守此狂

狷兮紛依楚詞音焚懼執競而不柔探先哲之奧謨兮攀往

列之洪休曰沉潜而剛克兮固謹人之嘉猷嗟行行

而躑躅兮行並下浪切信往古之所仇彼穹壤

之廓殊兮寒與暑而交修執中而俟命兮固仁聖之

善謀吾祖士師之直道兮亦愀然於伐國魯欲伐齊問柳下惠

下惠歸曰吾聞伐國不問仁人此言何為至於我哉尼父戮齊而誅卯兮本柔

仁以作極孔子誅齊優蘭蒨顏以誚秦兮入降廉猶

臣僕蘭相如叱秦王引車避廉吉優繇而布和兮殘

萑蒲以屏匿游吉鄭子太叔也左傳昭公二十年子

於萑蒲之澤太叔與徒兵以攻之盜少止萑音九繇與由同劇拔刃於霸侯兮退

躬躬而畏服劇居衛切躬丘弓切敬謹貌魯莊公十

首劫桓公盡歸魯之侵地寬與猛其相濟兮孰不頌茲之盛德克

明哲而保躬兮恢大雅之所勗子玉陽宅身以執剛

兮卒易帥而蒙辜左傳文公六年孤射姑怨陽處羽

懷心以盭志兮首身離而不懲懷前比切狠也盭音



自刎而死漢朱雲連柱雲岳岳而專強兮果黜志而乖圖五鹿充宗時

人語曰五鹿岳咸觸屏以拒訓兮肆殞越而就陵陳

岳朱雲折其角屏風萬年怒後咸以言石顯髡為城旦治許諫于

年病召其子陳咸教戒於床下咸睡頭觸昏朝兮名崩弛而陷誅許居列切左傳宣公九年陳

父殺苟縱直而不羈兮乃變罹而禍仍俱一作歷九折

而直奔兮固摧轅而失途遵天路而曲轍兮又求達

而不能廣守柔以允塞兮抵暴梁而壞節後漢胡廣

鴻殺質帝家撝謙而温美兮脅子公而喪控左傳宣

立蠡吾侯義師仁而惡狠兮遂潰騰而滅裂公四年

鄭子公謀弑靈公斯委懦以從邪兮

于家懼而從之

宋義下令誦項羽狠如狼羽即帳

中斬其頭狠下懇切不聽從也

悼上蔡其何補趙高說李斯立胡亥後乃譖斯斯出

東門逐狡免徐偃柔以屏義兮倏邦離而身虜周穆

其可得乎渙宗覆而國舉設任柔而自處兮蒙大戮而不悟故

遊諸侯皆歸徐偃王穆王使楚伐日純柔純弱兮必削必薄純剛純強兮必喪必亡韜

之偃王不忍聞其民敗走彭城義于中韜音服和于躬和以義宣剛以柔通守而不

遷兮變而無窮交得其宜兮乃獲其終姑佩茲韋兮

考古齊同亂日亂理也所以重韋之申申佩于躬兮

本正生和探厥中兮哲人交修樂有終兮庶寡其過

追古風兮

卯



瓶賦

東坡云楊子雲酒箴有問無答子厚瓶賦蓋補亡耳子厚以瓶為智幾於信道知命者

昔有智人善學鳴夷

楊雄酒箴云鳴夷滑稽腹大如壺盡日盛酒人復借酤鳴夷處脂

切草囊以盛酒

鳴夷蒙鴻

二字並上聲廣大貌

壘整相追

壘當

諂誘吉

士喜悅依隨開喙倒腹

喙吁穢切口也

斟酌更持味不苦口

昏至莫知頽然縱傲與亂為期視白成黑顛倒妍媸

上倪堅切美好也下音蚩痴也

已雖自售人或以危敗眾亡國流連

不歸誰主斯罪鳴夷之為不如為瓶居井之眉

眉井邊也

鈎深挹潔淡泊是師和齊五味

和胡卧切齊才詰切調和也

寧除

渴飢不甘不壞久而莫遺清白可鑒終不媚私利澤

廣大孰能去之綆絕身破

綆音硬井索

何足怨咨功成事

遂復于土泥歸根反初無慮無思何必巧曲徼覲一

時徼古堯切求也覲音與

子無我愚我智如斯

晁无咎曰昔楊雄作酒箴謂鳴夷盛酒而瓶藏水酒甘以喻小人大淡以比君子故鳴夷以親近託車而瓶以疎遠居井而贏此雄欲同塵於皆醉者之詞也故子厚復正論以反之以謂寧為瓶之潔以病已無為鳴夷之旨以愚人蓋更相明也

牛賦

東坡云嶺外俗皆恬殺牛海南為甚乃書子厚牛賦遺瓊州僧道贊使曉諭之

若知牛乎牛之為物魁形巨首垂耳抱角毛革踈厚



年然而鳴黃鐘滿脰音豆項也抵觸隆曦日耕百畝往來  
 修直植乃禾黍自種自斂服箱以走輸入官倉已不  
 適口富窮飽飢功用不有陷泥壓塊常在草野人不  
 慙愧利滿天下皮角見用肩尻莫保尻苦刀切唯也或穿絨  
 滕或實俎豆由是觀之物無踰者不如羸驢服逐駕  
 馬曲意隨勢不擇處所不耕不稼藿菽自與藿大豆葉菽大豆  
 騰踏康莊道五達謂之康六達謂之莊出入輕舉喜則齊鼻怒則  
 奮躑當道長鳴聞者驚辟辟平亦切開張而易其本處善識門戶  
 終身不惕牛雖有功於已何益命有好醜非若能力  
 慎勿怨尤以受多福

解崇賦

并序

柳子既謫猶懼不勝其口筮以玄遇于之八其贊曰  
 赤舌燒城吐水于瓶其測曰君子解崇也太玄經注兌為口舌  
入為木木生火火中之舌故赤也赤舌所敗若火燒城金生水故吐水也水滅于火雖有傾城之言以水相之災無由至矣崇音遂神禍也喜而為之賦

胡赫炎薰焯之烈火兮焯虛橋呼酷呼各三切炎氣也而生夫人之

齒牙上殫飛而莫遁殫音單極也遁徒困切旁窮走而逾加九

泉焦枯而四海滲涸兮滲所禁切涸音合紛揮霍而要遮風

雷嘒嘒以為橐籥兮嘒呼交切又古伯切回祿煽怒而喊呀呼上

臧切下 焮堪輿為甌斲兮堪輿天地也焮他昆切火  
虛牙切 焮堪輿為甌斲兮甌貌甌女塞切甌屬斲五



到切燒 器也 蕪雲漢而成霞蕪儒劣切焚也 鄧林大椿不足以充  
於燎兮於字無 倒扶桑落棠膠轕而相義音 膏推唇  
而增熾兮 焰掉舌而彌葩 沃無瓶兮 撲無篲篲旋芮切又徐  
醉切 金流玉鏢兮 曾不自比於塵沙 獨淒已而燠物愈  
騰沸而骹齧骹丘交切脚腰也 吾懼夫灼爛灰滅之  
為禍往搜乎太玄之奧 訟衆正訴群邪 曰去爾中躁  
與外撓 姑務清為室而靜為家 苟能是則始也 汝邇  
今也 汝遐涼汝者進烈汝者賒 譬之猶豁天淵而覆  
原燎夫何長喙之紛拏 今汝不知清已之慮而惡人  
之譁 不知靜之為勝而動馬是嘉徒 遑遑乎狂奔而

西僚一作 盛氣而長嗟 不亦遼乎 於是釋然自得 以  
冷風濯熱 以清源滌瑕 履仁之實 去盜之夸 冠太清  
之玄冕 佩至道之瑤華 鋪冲虛以為席 駕恬泊以為  
車 瀏乎以遊於萬物者 始瀏力周切深貌又音柳 彼狙雌 倏旒  
而以崇為利者 夫何為邪

懲咎賦

唐書本傳載此賦曰宗元不得召內閣悼

懲咎愆以本始兮 孰非余心之所求 處卑汗以閱世  
今固前志之為尤 始予學而觀古今 怪今昔之異謀  
惟聰明為可考 今追駿步而遐遊 潔誠之既信 直今



仁友讒而萃之日施陳以繫縻兮邀堯舜與之為師  
 上睢盱而混茫兮睢火規切盱音吁下駁詭而懷私  
 旁羅列以交貫兮求太中之所宜曰道有象兮而無  
 其形推變乘時兮與志相迎不及則殆兮過則失貞  
 謹守而中兮與時偕行萬類芸芸兮率由以寧剛柔  
 弛張兮出入綸經登能抑枉兮白黑濁清蹈乎大方  
 今物莫能嬰奉訐謨以植內兮欣余志之有獲再徵  
 信乎策書兮謂炯然而不惑炯戶頂切光也愚者果於自用  
 今惟懼夫誠之不一不顧慮以周圖兮專茲道以為  
 服讒妬構而不戒兮猶斷斷於所執斷丁亂切哀吾黨之

不淑兮謂劉禹錫等遭任遇之卒迫卒與勢危疑而多詐

今逢天地之否隔欲圖退而保已兮悼乖期乎曩昔

欲操術以致忠兮乘呀然而互嚇呀虛牙切互一本

進與退吾無歸兮甘脂潤乎鼎鑊音穫幸皇鑒之

明宥兮累力追切子厚惟罪大而寵

厚兮子厚再貶既明懼乎天討兮

又幽慄乎鬼責惶惶乎夜寤而晝駭兮類麀麀之不

息麀九筠切麀也或從困從禾鹿音加牝鹿也本作麀凌洞庭之洋洋兮沂湘

流之云法飄風擊以揚波兮舟摧抑而迴道日霾曠

以昧幽兮霾莫諸切曠音翳黝雲涌而上屯黝於糾切清黑色一本作玄雲



暮屑宰以淫雨兮宰蘇骨切聽嗷嗷之哀猿衆鳥萃而啾

號兮涕洲渚以連山漂遙逐其詎止兮逝莫屬余之

形魂攢鬱奔以紆委兮束洶湧之崩湍畔尺進而尋

退兮盪洄汨乎淪漣汨音骨又越筆切際窮冬而止居今羈

纍繫以縈纏勢扶分切哀吾生之孔艱兮循凱風之悲詩

罪通天而降酷兮不亟死而生爲元和九年母盧氏卒於永州逾

再歲之寒暑兮猶貿貿而自持貿音茂將沉淵而隕

命兮詎蔽罪以塞禍惟滅身而無後兮顧前志猶未

可進路呀以割絕兮割忽麥切又音畫退伏匿又不果爲孤

囚以終世兮長拘孿而輒軻坎可二音曩余志之修騫兮

今何爲此戾也夫豈貪食而盜名兮不混同於世也

將顯身以直遂兮衆之所宜蔽也不擇言以危肆兮

固群禍之際也御長轅之無橈兮行九折之峩峩却

驚棹以橫江兮泝凌天之騰波幸余死之已緩兮完

形軀之既多苟餘齒之有懲兮蹈前烈而不頽音坡死

蠻夷固吾所兮雖顯寵其焉加配大中以爲偶兮諒

天命之謂何

晁无咎曰子厚竄斥崎嶇蠻瘴間湮厄感鬱一寓於文爲離騷數十篇懲咎者悔志也後之君子欲成人之美者讀而悲之

閔生賦



閱吾生之險阨兮紛喪志以逢尤氣流鬱以杳耿兮

涕浪浪而常流浪力唐切流貌膏液竭而枯居兮魄離散而

遠遊言不信而莫余白兮雖遑遑欲馬求合聚而隱

志兮幽默以待靜為與世而斥謬兮固離披以顛隕

騏驥之棄辱兮駑駘以為騁作玄虬蹶泥兮畏避

畫龍上與蚌同下武幸切蚌屬行不容之崢嶸崢助耕切嶸音宏質魁壘

而無所隱魁口助切壘音磊壯貌鱗介槁以橫陸兮鳴嘯群而

厲吻吻武粉切口邊心沈抑以不舒兮形低摧而自慙肆余

目於湘流兮望九疑之垠垠銀音波淫溢以不返兮蒼

梧鬱其蜚雲重華幽而野死兮世莫得其偽真汲冢書云

禹逐舜終于蒼梧之野 屈子之悵微兮抗危辭以赴淵悵規綠切謂屈

原 古固有此極憤兮矧吾生之藐艱藐音 列往則以

考已兮指斗極以自陳登高岳而企踵兮品魚成切 瞻故

邦之殷轡上音隱下音璘 山水浩以蔽虧兮路蒼勃以揚氛

蒼翁鳥孔切 空廬頽而不理兮翳丘木之榛榛塊窮老以淪

放兮匪魍魅吾誰隣仲尼之不惑兮有垂訓之暮言

孟軻四十乃始持心兮猶希勇乎黜責謂北宮黜孟貴也下音奔

旣余質愚而齒減兮宜觸禍以隄身隄音鹽危也 知徙善

而革非兮又何懼乎今之人噫禹績之勤備兮曾莫

理夫茲川殷周之廓大兮南不盡夫衡山余囚楚越



之交極兮邈離絕乎中原壤汗潦以墳如兮潦魯皓朗到二

切如如居切蒸沸熱而恒昏戲鳥鶴乎中庭兮蒹葭生於

堂筵雄虺蓄形於木杪兮短狐伺景於深淵景即影字或短

狐也一名射工長一二寸口中仰矜危而俯慄兮拜

日夜之拳孳慮吾生之莫保兮忝代德之元醇孰耿

軀之敢愛兮竊有繼乎古先明神之不欺余兮庶激

烈而有聞冀後害之無辱兮匪徒蓋乎曩愆

夢歸賦

雁擯斥以窘束兮余惟夢之為歸精氣注以凝沍兮

沍音互水凝也循舊鄉而顧懷夕余寐于荒陬兮心慄慄而

莫違慄苦筆切恨也質舒解以自恣兮息悒鬱而愈微

悒伊淫切歛騰湧而上浮兮歛許勿切俄澁澆之無依澁

廣切圓方混而不形兮顛醇白之霏霏上茫茫而

無星辰兮下不見夫水陸一本若有鈇余以往路

兮鈇音述當依晏本作謀馭儼儼以回復儼音擬惑也浮雲縱以直

度兮云濟余乎西北風纏纏以經耳兮纏所爾切類行無

迅而不息洞然于以瀰漫兮漫模官切虹蜺羅列而傾側

橫衝騰以盪擊兮忽中斷而迷惑靈幽漠以滌汨兮

靈幽或作零雨滌又瑟切汨越筆切水流貌進招悵而不得招救白日邈

其中出兮陰霾披離以泮釋霾音埋風施岳瀆以定



位兮乎參差之白黑互字忽崩騫上下兮聊按行而

自抑指故都以委墜兮瞰鄉閭之修直原由蕪穢兮

崢嶸榛棘喬木摧解兮垣廬不飾山嵒嵒以崑立兮

水汨汨以漂激汨音骨又越必切魂恍惘若有亡兮淚汪浪

以隕軾浪音類曠黃之黥漠兮黥音捨果實黑壞貌欲周流而

無所極紛若喜而怡儼兮怡救吏切儼音毅韻音擬心回互以壅

塞鍾鼓嗶以戒旦兮嗶音橫陶去幽而開寤曾尉蒙其

復體兮曾音曾尉音尉魚網也孰云桎梏之不同桎音質手械也桎姑天切

也足械精神之不可再兮余無陷夫歸路偉神尼之聖

德兮謂九夷之可居協去聲惟道大而無所入兮猶流

游乎曠野老聃遁而適我兮拊淳茫以縱步蒙莊之

恢怪兮寓太鵬之遠去莊子蒙人也嘗為蒙漆園吏苟遠適之若

茲兮胡為故國之為慕首丘之仁類兮首去聲禮記云狐死正丘

斯君子之所譽鳥獸之鳴號兮號去聲有動心而曲

顧膠余衷之莫能捨兮雖辨析而不悟列茲夢以三

復兮極明昏而告愬

囚山賦

楚越之交環萬山兮勢騰踊夫波濤紛對迴合仰伏

以離邈兮邈音列又音例遮也若重墉之相褰爭生角逐上鞅

旁出兮鞅迭佚二音其下坼裂而為壕音豪塹也欣下頽以就



順兮曾不敵平而又高沓雲雨而漬厚土兮沓達合切  
漬疾智切蒸鬱勃其腥臊腥音星陽不舒以擁隔  
兮群陰汙而為曹側耕危獲苟以食兮哀斯民之增  
勞積林麓以為叢棘兮積一本虎豹咆嘯代狴牢之  
吠嗥咆音庖闕虎檻切虎豹聲也狴音陛獄別名嗥音豪予胡井管以管視兮  
窮坎險其馬逃顧幽昧之罪加兮雖聖猶病夫嗷嗷  
匪兕吾為柙兮匪豕吾為牢積十年莫吾省者兮增  
蔽吾以蓬蒿聖日以理兮賢日以進誰使吾山之囚  
吾兮滔滔

晁无咎曰仁者樂山自昔達人有以朝市為樊籠者矣未聞以山林為樊籠也宗元謫南海久

厭山不可得而出朝市不可得而復丘壑草木之可愛者皆陷穽也故賦囚山

### 愈膏肓疾賦

育音荒

晏相於此賦親書云膚淺不類柳文宜去之或曰公少作也

景公夢疾膏肓

左傳成公十年晉景公事

尚謂虛假命秦緩以候

問遂伏身于堂下公曰吾今形體不衰筋力未寡子  
言其有疾者何也秦緩乃寤神極思曰夫上醫療未  
萌之兆中醫攻有兆之者目定死生心存取舍亦猶  
卜和以獻含璞之璧伯樂相有孕之馬然臣之遇疾  
如泥之處疴疴戶延切疾之遇臣如金之在冶雖九  
竅未擁四支且安膚腠營胃外強中乾精氣內傷神



沮脉殫以熱益熱以寒益寒針灸不達誠死之端巫  
新變以為讖果不得其所餐桑田巫也出左公曰固  
知天賦性命如彼暄寒短不足悲修不足歡哂彼醫  
兮徒精厥術如何為之可觀醫乃勃然變色攘袂而  
起子無讓我我謂於子我之技也如石投水如弦激  
矢視生則生視死則死膏肓之疾不救衰亡之國不  
理巨川將潰非捧土之能塞大厦將崩非一木之能  
止斯言足以喻太子今察乎孰是爰有忠臣聞之憤  
怨忘寢廢食擗襟感歎辟音關標生死浩浩天地漫  
漫綏之則壽撓之則散善養命者鮐背鶴髮成童兒

鮐音台魚名也  
老人皆有鮐文善輔弼者殷辛夏桀為周漢殷辛非  
藥曷以愈疾非兵胡以定亂喪亡之國在賢哲之所  
扶匡而忠義之心豈膏肓之所羈絆音半余能理亡國  
之利弊利五宜  
切刺也愈膏肓之患難君謂之何以醫曰夫  
八絃之外絃音宏六合之中始自生靈及乎昆蟲神安  
則存神喪則終亦猶道之紊也患出於邪佞身之僊  
也僊音拜切疾生於火風彼膏肓之與顛覆匪藥石而能  
攻者哉因此而言曰子今變禍為福易曲成直寧關  
天命在我人力以忠孝為干櫓以信義為封殖拯厥  
兆庶綏乎社稷一言而災惑退舍宋景公事一揮而義和



匪義和日御也魯陽公與韓戰酣日暮援戈而揮之日為之反三舍桑穀生庭而

自滅野雉雉鼎而自息候切誠天地之無親曷膏育

之能極醫者遂口噤心醉京切跼歛茫然音投棄

針石匍匐而前音伏又蒲墨切吾謂治國在天子謂

治國在賢吾謂命不可續子謂命將可延詎知國不

足理疾不足痊佐荒淫為聖主保天壽而長年皆正

直之是與庶將來之勉旃

唐柳先生集卷之二

唐柳先生集卷之三

論

封建論武威孔氏曰韓退之文章過子厚而議論不及子厚作封建論退之所無

天地果無初乎吾不得而知之也生人果有初乎吾

不得而知之也然則孰為近曰有初為近孰明之由

封建而明之也彼封建者更古聖王堯舜禹湯文武

而莫能去之蓋非不欲去之也勢不可也勢之來

則其生人之初乎不初無以有封建封建非聖人意

也彼其初與萬物皆生草木榛榛側先切鹿豕狂狂

音不人不能搏噬音博而且無毛羽莫克自奉自衛



荀卿有言必將假物以為用者也夫假物者必爭爭而不已必就其能斷曲直者而聽命焉其智而明者所伏必衆告之以直而不改必痛之而後畏由是君長刑政生焉故近者聚而為群群之分其爭必大大而後有兵有德又有大者衆群之長又就而聽命焉以安其屬於是有諸侯之列則其爭又有大者焉德又大者一本又下諸侯之列又就而聽命焉以安其封於是有方伯連帥之類則其爭又有大者焉德又大者方伯連帥之類又就而聽命以安其人然後天下會於一是故有里胥而後有縣大夫有縣大夫而

後有諸侯有諸侯而後有方伯連帥有方伯連帥而後有天子自天子至於里胥其德在人者死必求其嗣而奉之故封建非聖人意也勢也夫堯舜禹湯之事遠矣及有周而甚詳周有天下裂土田而瓜分之設五等邦群后布履星羅履一作濩四周于天下輪運而輻集合為朝覲會同離為守臣扞城守舒救切扞音干詩公侯于城然而降于夷王害禮傷尊下堂而迎覲者歷于宣王挾中興復古之德雄南征北伐之威卒不能定魯侯之嗣魯武公以二子括與戲見宣王王立戲仲山陵甫諫不聽武公卒魯人殺戲而立括出國語夷迄於幽厲王室東徙而自列為諸侯一下有厥後



問鼎之輕重者有之

左傳宣公三年楚莊王問鼎之大小輕重

射王中肩

者有之

左傳桓公五年鄭

伐凡伯誅萇弘者有之

萇

長左傳隱七年戎伐凡伯于楚丘又哀三年周人殺萇弘

天下乖戾

音戾無君君之心

余以為周之喪久矣徒建空名於公侯之上耳得

非諸侯之盛強未大不掉之咎歟

掉徒

遂判為十二

謂魯齊晉秦楚宋衛陳蔡曹鄭燕

合為七國

合一作吞謂秦楚燕齊韓魏趙

威分于

陪臣之邦

謂田氏篡齊韓魏趙分晉

國殄於後封之秦

秦伯益之後其末孫

非子周恭王封為附庸及秦仲之孫襄公救周周室東遷始列為諸侯

則周之敗端其

在乎此矣秦有天下裂都會而為之郡邑廢侯衛而

為之守宰據天下之雄圖都六合之上游攝制四海

運於掌握之內此其所以為得也不數載而天下大

壞其有由矣亟役萬人暴其威刑竭其貨賄負鋤梃

謫戍之徒

陳勝吳廣等

園視而合從

子容

大呼而成群時

則有叛人而無叛吏人怨于下而吏畏于上天下相

合殺守劫令而並起咎在人怨非郡邑之制失也漢

有天下矯秦之枉徇周之制剖海內而立宗子封功

臣數年之間奔命扶傷而不暇

而一作之

因平城

高祖七年病

流矢

高祖十二年擊黥布為流矢所中因病而崩

陵遲不救者三代後乃

謀臣獻畫而離削自守矣

武帝時主父偃請分王國封其子弟而侯國遂弱

然而封建之始郡國居半時則有叛國而無叛郡秦

卿

三

五



制之得亦以明矣。繼漢而帝者，雖百代可知也。唐興制州邑，立守宰，此其所以為宜也。然猶桀猾時起，虐害方域者，失不在於州而在於兵。時則有叛將而無叛州。叛將謂藩鎮節度使州縣之設固不可革也。或者曰：封建者必私其土，子其人，適其俗，修其理，施化易也。守宰者苟其心思，遷其秩而已，何能理乎？理一作治余又非之。周之事跡斷可見矣。列侯驕盈，黷貨事戎。黷音讀事戎謂用兵大凡亂國多，理國寡。侯伯不得變其政，天子不得變其君，私土子人者，百不有一。失在於制，不在於政。周事然也。秦之事迹亦斷可見矣。有理人之制而不委

郡邑是矣。有理人之臣而不使守宰是矣。郡邑不得正其制，守宰不得行其理，酷刑苦役而萬人側目，失在於政，不在於制。秦事然也。漢興，天子之政行於郡，不行於國，制其守宰，不制其侯王。侯王雖亂，不可變也。國人雖病，不可除也。及夫大逆不道，然後掩捕而遷之，勒兵而夷之耳。大逆未彰，姦利浚財，怙勢作威，大刻于民者，無如之何。及夫郡邑可謂理且安矣，何以言之。且漢知孟舒於田叔，得魏尚於馮唐。孟舒魏尚並守中雲聞黃霸之明審，潁川觀汲黯之簡靖。淮陽拜之可也。復其位可也。卧而委之以輯一方，可也有罪得以



黜有能得以賞朝拜而不道夕斥之矣夕受而不法  
朝斥之矣設使漢室盡城邑而侯王之縱令其亂入  
戚之而已孟舒魏尚之術莫得而施黃霸汲黯之化  
莫得而行明譴而導之拜受而退已違矣下令而削  
之締交合從之謀締丁計切切周於同列則相顧裂眦  
眦亦作眦疾勃然而起幸而不起則削其半削其半  
智切目匡也民猶瘳矣曷若舉而移之以全其人乎漢事然也今  
國家盡制郡邑連置守宰其不可變也固矣善制兵  
謹擇守則理平矣或者又曰夏商周漢封建而延秦  
郡邑而促尤非所謂知理者也魏之承漢也封爵猶

建晉之承魏也因循不革而一姓陵替不聞延祚今  
矯而變之垂二百祀太業彌固何繫於諸侯哉或者  
又以爲殷周聖王也而不革其制固不當復議也是  
大不然夫殷周之不革者是不不得已也蓋以諸侯歸  
殷者三千馬資以黜夏湯不得而廢歸周者八百馬  
資以勝殷武王不得而易徇之以爲安安以爲俗  
湯武之所不得已也夫不得已非公之大者也私其  
力於已也私其權於子孫也秦之所以革之者其爲  
制公之大者也其情私也私其一已之成也私其盡  
臣畜於我也然而公天下之端自秦始夫天下之道



理安斯得人者也使賢者居上不肖者居下而後可  
以理安今夫封建者繼世而理繼世而理者上果賢  
乎下果不肖乎則生人之理亂未可知也將欲利其  
社稷以一其人之視聽則又有世大夫世食祿邑以  
盡其封略聖賢生于其時亦無以立于天下封建者  
為之也豈聖人之制使至於是乎吾固曰非聖人之  
意也勢也

四維論

管子牧民篇云國有四維一維絕則  
則滅四維者一日禮二曰義三曰廉四曰  
耻

管子以禮義廉耻為四維吾疑非管子之言也彼所

謂廉者曰不蔽惡也世人之命廉者曰不苟得也所  
謂耻者曰不從枉也世人之命耻者曰羞為非也然  
則二者果義歟非歟吾見其有二維未見其所以為  
四也夫不蔽惡者豈不以蔽惡為不義而去之乎夫  
不苟得者豈不以苟得為不義而不為乎雖不從枉  
與羞為非皆然然則廉與耻義之小節也不得與義  
抗而為維聖人之所以立天下曰仁義仁主恩義主  
斷恩者親之斷者宜之而理道畢矣蹈之斯為道得  
之斯為德履之斯為禮誠之斯為信皆由其所之而  
異名今管子所以為維者殆非聖人之所立乎又曰



一維絕則傾二維絕則危三維絕則覆四維絕則滅  
若義之絕則廉與耻其果存乎廉與耻存則義果絕  
乎人既蔽惡矣苟得矣諸本作而從枉矣為非而無羞矣  
則義果存乎使管子庸人也則為此言管子而少知  
理道則四維者非管子之言也

天爵論

柳子曰仁義忠信先儒名以為天爵見孟子未之盡也  
夫天之貴斯人也則付剛健純粹於其躬俾為至靈  
卓俾音大者聖神其次賢能所謂貴也剛健之氣鍾於  
人也為志得之者運行而可大悠久而不息拳拳於

得善孜孜於嗜學則志者其一端耳純粹之氣注於  
人也為明得之者爽達而先覺鑒照而無隱聰聰於  
獨見聰音淵淵於默識則明者又其一端耳明離為  
天之用恒久為天之道舉斯二者人倫之要盡是焉  
故善言天爵者不必在道德忠信明與志而已矣道  
德之於人猶陰陽之於天也仁義忠信猶春夏秋冬夏  
也舉明離之用運恒久之道所以成四時而行陰陽  
也宣無隱之明著不息之志所以備四美而富道德  
也故人有好學不倦而迷其道撓其志者撓女巧切擾也明  
之不至耳有照物無遺而蕩其性脫其守者志之不



至耳明以鑒之志以取之役用其道德之本舒布其  
五常之質充之而彌六合播之而奮百代聖賢之事  
也然則聖賢之異愚也職此而已使仲尼之志之明  
可得而奪則庸夫矣授之於庸夫則仲尼矣若乃明  
之遠邇志之恒久庸非天爵之有級哉故聖人曰敏  
以求之明之謂也為之不猷志之謂也道德與五常  
存乎人者也克明而有常受於天者也嗚呼後之學  
者盡力於所及焉或曰子所謂天付之者若開府庫  
焉量而與之耶曰否其各合乎氣者也莊周言天曰  
自然吾取之

### 守道論

或問曰守道不如守官出左傳昭公十九年何如對曰是非聖  
人之言傳之者誤也官也者道之器也離之非也未  
有守官而失道守道而失官之事者一有也字是固非聖  
人言乃傳之者誤也一無乃字夫皮冠者是虞人之物也  
物者道之準也守其物由其準而後其道存焉苟舍  
之是失道也凡聖人之所以為經紀為名物無非道  
者命之曰官官是以行吾道云爾官是一本作命字是故立  
之君臣官府衣裳輿馬章綬之數會朝表著周旋行  
列之等行音航左昭十一年注朝內列位常處謂之表著是道之所存也則



又示之典命書制符璽秦復之文參伍殷輔陪臺之

役周禮太宰注參謂卿三人伍謂大夫五人殷衆也謂衆士輔府史廢人在官者陪臺出左昭公十年

是道之所由也則又勸之以爵祿慶賞之美懲之以

黜遠鞭扑桎梏斬殺之慘遠去声扑普卜切擊也字從手桎居沃切手械也拳

居陳居王二切兩手共械是道之所行也故自天子至于庶民咸

守其經分扶問切而無有失道者和之至也失其物去

其準道從而喪矣易其小者而大者亦從而喪矣古

者居其位思死其官可易而失之哉禮記曰道合則

服從不可則去禮記內則篇孟子曰有官守者不得其職

則去然則失其道而居其官者古之人不與也是故

在上不為抗在下不為損矢人者不為不仁函人者

不為仁率其職司其局交相致以全其工也工一本作公

易位而處各安其分而道達於天下也一本作矣且夫官

所以行道也而曰守道不如守官蓋亦喪其本矣未

有守官而失道守道而失官之事者也一本無是字是非

聖人之言傳之者誤也槩矣

時令論上論禮記月令

呂氏春秋十一紀漢儒論以為月令措諸禮以為大

法焉其言有十一月七十有二候迎日步氣以追寒

暑之序類其物宜而逆為之備聖人之作也然而聖



人之道不窮異以為神不引天以為高利於人備於  
事如斯而已矣觀月令之說苟以合五事配五行而  
施其政令離聖人之道不亦遠乎凡政令之作有俟  
時而行之者有不俟時而行之者是故孟春修封疆  
端徑術上古定切下音遂出禮記相土宜無聚大衆季春利堤防  
達溝瀆止田獵備器合牛馬百工無恃於時孟夏  
無起土功無發大衆勸農勉入仲夏班馬政聚百藥  
季夏行水殺草糞田疇美土疆土功兵事不作孟秋  
納材葦仲秋勸人種麥季秋休百工人皆入室具衣  
裘舉五穀之要合秩為養犧牲趨入收斂趨越遇切疾也一音

促務蓄菜伐薪為炭孟冬築城郭穿竇音豆修園

倉困區倫切圓廩謹蓋藏勞農以休息之勞郎到切收水澤之賦

仲冬伐木取竹箭季冬講武習射御出五穀種計耦

耕具田器合諸侯制百縣輕重之法貢賦之數斯固

俟時而行之所謂敬授人時者也其餘郊廟百祀亦

古之遺典不可以廢誠使古之為政者非春無以布

德和令行慶施惠養幼少省囹圄省息井切察也囹圄音零語獄也

賜貧窮禮賢者非夏無以贊傑俊遂賢良舉長大行

爵出祿斷薄刑決小罪節嗜慾靜百官非秋無以選

士勵兵任有功誅暴慢明好惡修法制養衰老申嚴



百刑斬殺必當浪切非冬無以賞死事恤孤寡舉阿

黨易關市易去聲來商旅審門閭正貴戚近習罷官之

無事者去器之無用者則其闕政亦以繁矣斯固不

俟時而行之者也變天之道絕地之理亂人之紀舍

孟春則可以有事乎作淫巧以蕩上心舍季春則可

以為之者乎夫如是內不可以納於君心外不可以

施於人事勿書之可也又曰反時令則有飄風暴雨

霜雪水潦大旱沈陰氛霧寒暖之氣大疫風欬軌噎

瘧寒疥癘之疾效苦代切軌音未病寒鼻塞也噎丁計切鼻解氣螟蝗五穀

爪瓠果實不成蓬蒿藜莠並興之異女災胎夭傷水

火之訛天鳥老切寇戎來入相掠力灼切又音諒奪也兵革並起道

路不通邊境不寧土地分裂四鄙入堡流亡遷徙之

變若是者特瞽史之語非出於聖人者也然則夏后

周公之典逸矣

時令論下

或者曰月令之所作以為君人者法也蓋非為聰明

睿智者為之將慮後代有昏昧傲誕而肆于人上忽

先王之典舉而廢之近而取之若陳隋之季是也故

取仁義禮智信之事附于時令俾時至而有以發之

也不為之時字將因循放蕩而皆無其意焉爾於是



又為之言五行之反戾相蕩相摩妖災之說以震動于厥心古之所以防昏亂之術也今子發而揚之使前人之奧秘布露顯明則後之人而又何憚耶曰聖人之為教立中道以示于後曰仁曰義曰禮曰智曰信謂之五常言可以常行者也防昏亂之術為之勤然書於方冊與亡治亂之致永守是而不去也未聞其威之以怪而使之時而為善所以滋其怠傲而忘理也語怪而威之所以熾其昏邪淫惑而為禱禳厭勝鬼怪之事以大亂于人也厭一涉切塞也且吾子以為畏冊書之多孰與畏人之言使愕愕者言仁義利害

燁乎列于其前而猶不悟燁音灼明也奚暇顧月令哉是

故聖人為大經以存其直道將以遺後世之君臣必

言其中正而去其奇袤上居宜切下與邪字同二字出周禮其有囁然

而不顧者雖聖人復生無如之何又何冊書之有若

陳隋之季暴戾淫放則無不為矣求之二史豈復有

行月令之事者乎然而其臣有勁悍者爭而與之言

先王之道猶十百而一遂焉然則月令之無益於陳

隋亦固矣立太中去太惑捨是而曰聖人之道吾未

信也用吾子之說罪我者雖窮萬世吾無憾焉爾

斷刑論上 闕



斷刑論下

余既為斷刑論斷都或者以釋刑復於余其辭云云  
 余不得已而為之一言焉夫聖人之為賞罰者非他  
 所以懲勸者也賞務速而後有勸罰務速而後有懲  
 必曰賞以春夏而刑以秋冬出左傳喪公二十六年而謂之至  
 理者偽也使秋為善者一本秋下有冬字必俟春夏而後賞  
 則為善者必怠春為不善者一本春下有夏字必俟秋冬而  
 後罰則為不善者必懈為善者怠為不善者懈是毆  
 天下之人而入於罪也毆音區下同毆天下之人入於罪  
 又緩而慢之以滋其懈怠此刑所以不措也一本刑下有之

字必使為善者不越月踰時而得其賞則人勇而有  
 勸焉為不善者不越月踰時而得其罰則人懼而有  
 懲焉為善者日以有勸為不善者日以有懲是毆天  
 下之人而從善遠罪也毆天下之人而從善遠罪是  
 刑之所以措而化之所以成也或者務言天而不言  
 人是惑於道者也胡不謀之人心以熟吾道吾道之  
 盡而人化乎一本是知蒼蒼者馬能與吾事而暇知  
 之哉果以為天時之可得順大和之可得致則全吾  
 道而得之矣全吾道而不得者非所謂天也非所謂  
 大和也是亦必無而已矣又何必枉吾之道曲順其



時以謂是物哉吾固知順時之得天不如順入順道  
之得天也何也使犯死者自春而窮其辭欲死不可  
得貫三木之二木謂項手足皆有械加連鎖而致之獄更大暑者  
數月更平聲痒不得搔痺不得揉痺必至切足氣不至病痛不得  
摩飢不得時而食渴不得時而飲目不得瞑莫定切支  
不得舒怨號之聲怨音究號平聲聞於里人如是而大和之  
不傷天時之不逆是亦必無而已矣彼其所宜得者  
死而已也又若是焉何哉或者乃以為雪霜者天之  
經也雷霆者天之權也非常之罪不時可以殺人之  
權也當刑者必順時而殺人之經也是又不然夫雷

霆雪霜者特一氣耳非有心於物者也聖人有心於  
物者也春夏之有雷霆也或發而震破巨石裂大木  
木石豈為非常之罪也哉秋冬之有霜雪也舉草木  
而殘之草木豈有非常之罪也哉彼豈有懲於物也  
哉彼無所懲則效之者惑也果以為仁必知經智必  
知權是又未盡於經權之道也何也經也者常也權  
也者達經者也皆仁智之事也離之滋惑矣經非權  
則泥乃計切權非經則悖是二者強名也曰當丁浪切下同  
斯盡之矣當也者大中之道也離而為名大中之器  
用也知經而不知權不知經者也知權而不知經不



知權者也偏知而謂之智不智者也偏守而謂之仁不仁者也知經者不以異物害吾道知權者不以常人憐吾慮合之於一而不疑者信于道而已者也且古之所以言天者蓋以愚軍虫者耳非為聰明睿智者設也或者之未達不思之甚也

### 辨侵伐論

在集賢院為徵天下兵討淮西作時德宗貞元十五年討吳少誠

春秋之說曰凡師有鍾鼓曰伐無曰侵左傳莊公二十九年之文周禮大司馬九伐之法曰賊賢害人則伐之負固不服則侵之然則所謂伐之者聲其惡於天下也聲其

惡於天下必有以厭于天下之心夫然後得行焉古之守臣有脧人之財脧音宣縮也危人之生而又害賢人者內必棄於其人外必棄於諸侯從而後加伐焉動必克矣然猶校德而後舉量力而後會備三有餘而用其人一曰義有餘二曰人力有餘三曰貨食有餘是三者大備則又立其禮正其名修其辭其害物也小則詰誓徵令不過其隣雖大不出所暴非有逆天地橫四海者不以動天下之師故師不踰時而功成焉斯為人之舉也故公之公之而鍾鼓作焉夫所謂侵之者獨以其負固不服而墜王命也內以保其



人外不犯於諸侯其過惡不足暴於天下暴音僕致文告修文德而又不變然後以師問焉是為制命之舉非為人之舉也故私之私之故鍾鼓不作斯聖人之所志也周道既壞兵車之軌交於天下而罕知侵伐之端焉是故以無道而正無道者有之以無道而正有道者有之不增德而以遂威者又有之故世日亂一變而至於戰國而生人耗矣是以有其力無其財君子不以動衆有其力有其財無其義君子不以帥師合是三者而明其公私之說而後可焉嗚呼後之用師者有能觀其侵伐之論則善矣

六逆論

春秋左氏言衛州吁之事因載六逆之說左傳隱公三年曰賤妨貴少陵長遠間親新聞舊小加大淫破義六者亂之本也余謂少陵長小加大淫破義是三者固誠為亂矣然其所謂賤妨貴遠間親新聞舊雖為理之本可也何必曰亂夫所謂賤妨貴者蓋斥言擇嗣之道子以母貴者也若貴而愚賤而聖且賢以是而妨之其為理本大矣而可捨之以從斯言乎此其不可固也夫所謂遠間親新聞舊者蓋言任用者之道也一本無者字使親而舊者愚遠而新者聖且賢以是而間



之其為理本亦大矣又可捨之以從斯言乎必從斯  
言而亂天下謂之師古訓可乎此又不可者也嗚呼  
是三者擇君置臣之事天下理亂之本也一本之下  
有大字  
為書者執斯言著一定之論以遺後代上智之人固  
不惑于是一本有  
矣字自中人而降守以為大據而以致  
敗亂者一作賊固不乏焉晉厲死而悼公入乃理左傳  
成公  
十八年宋襄嗣而子魚退乃亂子魚名目夷宋襄之庶  
兄事見左傳桓公八年  
貴不足尚也秦用張祿而黜穰侯乃安張祿范雎也  
穰侯魏冉也  
史記秦  
昭王事魏相成璜而踈吳起乃危成璜謂魏成翟璜  
史記魏文侯事  
親不足與也符氏進王猛而殺樊世乃興晉書紀  
符堅胡

亥任趙高而族李斯乃滅秦二  
出舊不足恃也顧所信  
何如耳然則斯言殆可以廢矣噫古之言理者罕能  
盡其說建一言立一辭則蹇阨而不安上音孽下謂  
音兀危也  
之是可也謂之非亦可也混然而已教於後世莫知  
其所以去就明者慨然將定其是非則拘儒瞽生相  
與群而咻之咻音休又况羽  
切痛念聲也以為狂為怪而欲世之  
多有知者可乎夫中人可以及化者天下為不少矣  
然而罕有知聖人之道則固為書者之罪也







